



Staatskoerant

REPUBLIEK VAN SUID-AFRIKA

Vol 447

Kaapstad, 9 September 2002

No. 23826

DIE PRESIDENSIE

No. 1166

9 September 2002

Die amptelike vertaling van die onderstaande Wet wat op 20 Junie 2002 in die Staatskoerant verskyn het, word hierby vir algemene inligting gepubliseer:—

No. 21 van 2002: Tweede Wysigingswet op die Grondwet van die Republiek van Suid-Afrika, 2002.



AIDS HELPLINE: 0800-123-22 Prevention is the cure



Wet No. 21, 2002 TWEDE WYSIGINGSWET OP DIE GRONDWET VAN DIE
REPUBLIEK VAN SUID-AFRIKA, 2002

ALGEMENE VERDUIDELIKENDE NOTA:

[] Woorde in vet druk tussen vierkantige hake dui skappings uit
bestaande verordenings aan.

_____ Woorde met 'n volstreep daaronder, dui invoegings in
bestaande verordenings aan.

WET

Tot wysiging van die Grondwet van die Republiek van Suid-Afrika, 1996, ten einde die toewysing van afgevaardigdes aan die Nasionale Raad van Provinsies te reguleer in die geval van veranderings van partylidmaatskap, samesmeltings tussen partye, onderverdeling van partye of onderverdeling en samesmelting van partye in 'n provinsiale wetgewer; en om voorsiening te maak vir aangeleenthede wat daarmee in verband staan.

AANHEF

AANGESIEN die Nasionale Raad van Provinsies saamgestel word uit 'n enkele afvaardiging uit elke provinsie bestaande uit ses vaste en vier spesiale afgevaardigdes;

EN AANGESIEN partye wat in 'n provinsiale wetgewer verteenwoordig is, geregtig is op afgevaardigdes in die provinsie se afvaardiging, en nasionale wetgewing moet bepaal hoeveel van elke party se afgevaardigdes vaste afgevaardigdes en hoeveel spesiale afgevaardigdes moet wees;

EN AANGESIEN nasionale wetgewing ooreenkomstig item 23A van Bylae 2 by die Grondwet van die Republiek van Suid-Afrika, 1993, aangeneem is wat voorsiening maak vir—

- * die wyse waarop dit vir 'n lid van 'n nasionale of 'n provinsiale wetgewer wat ophou om 'n lid te wees van die party wat daardie lid benoem het, moontlik sal wees om lidmaatskap van sodanige wetgewer te behou; en
- * 'n bestaande party om met 'n ander party saam te smelt, of 'n party om in meer as een party te onderverdeel, of om te onderverdeel en enige van die onderverdelings om met 'n ander party saam te smelt, terwyl 'n lid van 'n wetgewer wat deur sodanige veranderings geraak word, toegelaat word om lidmaatskap van sodanige wetgewer te behou;

EN AANGESIEN, ingevolge die betrokke nasionale wetgewing, veranderings in partylidmaatskap, samesmelting tussen partye of onderverdeling of onderverdeling en samesmelting van partye binne 'n provinsiale wetgewer, moontlik veranderings ten opsigte van daardie wetgewer se afvaardiging na die Nasionale Raad van Provinsies kan noodsaak,

WORD DAAR DERHALWE BEPAAL deur die Parlement van die Republiek van Suid-Afrika, soos volg:—

Wysiging van artikel 61 van Wet 108 van 1996

1. Artikel 61 van die Grondwet van die Republiek van Suid-Afrika, 1996, word hierby gewysig deur subartikel (2) deur die volgende subartikel te vervang:

TWEDE WYSIGINGSWET OP DIE GRONDWET VAN DIE
REPUBLIEK VAN SUID-AFRIKA, 2002

Wet No. 21, 2002

“(2) (a) ’n Provinsiale wetgewer moet, binne 30 dae nadat die uitslag van ’n verkiesing van [**’n provinsiale**] daardie wetgewer bekend gemaak is [**moet die wetgewer**]—

[(a)] (i) ooreenkomstig nasionale wetgewing bepaal hoeveel van elke party se afgevaardigdes vaste afgevaardigdes en hoeveel spesiale afgevaardigdes moet wees; en 5

[(b)] (ii) die vaste afgevaardigdes ooreenkomstig die partye se benoemings aanstel.

(b) Indien die samestelling van ’n provinsiale wetgewer verander word as gevolg van veranderings van partylidmaatskap, samesmeltings tussen partye, onderverdeling van partye of onderverdeling en samesmelting van partye in daardie wetgewer, moet die wetgewer binne 30 dae na so ’n verandering— 10

(i) ooreenkomstig die nasionale wetgewing in paragraaf (a) bedoel, bepaal hoeveel van elke party se afgevaardigdes vaste afgevaardigdes en hoeveel spesiale afgevaardigdes moet wees; en 15

(ii) die vaste afgevaardigdes ooreenkomstig die partye se benoemings aanstel.”.

Wysiging van artikel 62 van Wet 108 van 1996

2. Artikel 62 van die Grondwet van die Republiek van Suid-Afrika, 1996, word hierby gewysig deur subartikel (3) deur die volgende subartikel te vervang: 20

“(3) Vaste afgevaardigdes word aangestel vir ’n termyn wat verstryk—

(a) onmiddellik voor die eerste sitting van die provinsiale wetgewer na sy volgende verkiesing [**verstryk.**] ; of

(b) op die dag voor die aanstelling van vaste afgevaardigdes ooreenkomstig artikel 61(2)(b) van krag word.”. 25

Wysiging van Bylae 3 tot Wet 108 van 1996, soos gewysig deur artikel 2 van Wet 3 van 1999 en artikel 19 van Wet 34 van 2001

3. Bylae 3 tot die Grondwet van die Republiek van Suid-Afrika, 1996, word hierby gewysig deur item 3 van Deel B deur die volgende item te vervang: 30

“3. Indien die mededingende surplusse in item 2 beoog gelyk is, word die onverdeelde afgevaardigdes in die afvaardiging toegeken aan die party of partye, met inbegrip van ’n saamgesmelte party in artikel 61(2)(b) beoog, met dieselfde surplus in volgorde van aangetekende stemme, beginnende met die party of saamgesmelte party wat die hoogste getal stemme, met inbegrip van gekombineerde stemme in die geval van ’n saamgesmelte party, aangeteken het tydens die vorige verkiesing van die betrokke provinsiale wetgewer, maar indien enige van die partye met dieselfde surplus— 35

(a) ontstaan het as gevolg van veranderings van partylidmaatskap of onderverdeling van partye in daardie wetgewer soos in artikel 61(2)(b) beoog; en 40

(b) nie aan die vorige verkiesing van die betrokke provinsiale wetgewer deelgeneem het nie, moet die wetgewer die onverdeelde afgevaardigdes in die afvaardiging toeken aan die party of partye met dieselfde surplus op ’n wyse wat met die demokrasie bestaanbaar is.”. 45

Kort titel

4. Hierdie Wet heet die Tweede Wysigingswet op die Grondwet van die Republiek van Suid-Afrika, 2002.

